

РУСКИ НОВИНИ

ЗА РУСИНОХ У КРАЛЬОВИНИ СХС

Рок III.

Нови Сад, пяток 17. септ. 1926.

Число 92.

Земледілски живот

У наших новинох читали зме уж даскельо статі о земледілским живоце. У тих статьях описує ше робота земледілца и задовольство котре земледілец при своїй роботи чувствує. Гу тому сцем и я даскельо слова доложиц.

У шицких статьях найбажей ше видзвигує радосц и веселосц, з котру земледілец свою роботу окоњчує. Випатрало би, як да живот земледілца преходзи у самих шпиванкох, у самим веселю. Алє знаме добро, же живот земледілца не таки. Же себе земледілец дакеди при роботи дакус зашпива, кед му робота крашне отходзи, то не таке чудо, алє не шме ше забуц, же земледілец роби у полю, у шлебодней природи не зато, бо йому приємно, же природа ма у себи тельо красотох, алє зато, да себе зос чешку роботу зароби наушни хлеб, бо природа гоч яка є красна, ніч дармо не дава. Гу тому земледілец обрабя свою жем зос страхом, вон оре и шеє, а нігда не може повесц, же будзе мац хасен, бо може присц ляд вельки дижджи лебо суша, шашка лебо поплава и унічтожиц його цалорочни труд. И зато земледілец шицку надію поклада на Бога и обрабя свою жем не тельо зос писню и франту, але зос молитву и надію на божу ласку.

„Зос циху молитву поорем и пошеєм, Уродз ми, Боже хлеб, моё богаство“

гвари поет Кольцов, и зос тима словами як немож лепше описал вон земледілски живот.

А кед Бог уродзи, кед шицко добро идзе, чом би теди земледілец не бул весели и себе не зашпивал? Ша шицки людзе весели

и шпиваю, кед им живот добре идзе, и кед їм Бог дава благослов а не лем земледілци.

Алє розлика медзи земледілским животом и животом других людзох ест баш у тим, же земледілец на кождим крочаю чувствує Вожу моц, видзи, же є у своей роботи одвисни лем од Бога, зато земледілец глібоко придані Богу. И баш пре тот религийни (вирски) характер земледілца и його роботи бул земледілец вше поштовани и земледілска робота ше вше поштовала, а не так зато, же є можебуц найчежжа (ест ище велько чежши роботи у копальњох, у фабрикох и т. д.)

Як доказує наука, котра шицко рахує, а вола ше статистика, медзи земледілцами ест найменей хоротох и вони найдлужей жилю. То доказує, же земледілска робота є найздравша и гоч земледілец муши дакеди робиц од штирох рано до дзевец вечер ипак тата робота йому не шкодзи так як цо чкодзи при других званийох. И так земледілска робота приноши двояки хасен:и хлеб и здравле, а то не мож повесц за шицки други звания.

Ест у земледілским живоце ище една не барз добра страна: земледілец не люби велько думац, читац и учиц ше. Сама робота земледілска є така, же не вимага велького раздумования. Вона вимага не тельо душевных силох, як тілесних.

Алє нешкада уж таки часи, же ані земледілец не може без розвитого душевного живота, т. й. без просвіти и обстац. Просвіта потребна земледілови найперше зато, да вон

себе може облегчац работу на жеми, а веџ да зна цо веџей свою жем вихасно вац. То господарска, економска просвіта. Заостласц господарска є у нашим народзе ище досц велька.

Окрем господарской науки потребує особено наш землеілец вшеліякого другого знаня, општого образованя. Мушиме повесц, же опште образоване, и вонкашне (цивилизация) и нукашне душевна культура у нашим народзе барз ніско стої. Культура духа, душевно образоване у нас барз занедзбане и німа того поштованя и признаня, котре за служує. А чкода, бо наш народ барз бистри, ма вельки душевни таланти, лем би іх вихасновац, а не за копац, як тот слуга зос св. Євангелії. А треба паметац, же лем культура и знане дава моц як поєдиному чловекови так и цалому народу. Народ нікултурни, цемни німа моци ані значене, гоч як би бул материялнобогати. За-

то єст велько приклади у исторії людского рода.

Просвіщовац народ дужна у першим шоре школа. И зато дужни родичи дзэци до школы посилац и мерковац, же вони у школы наисце уча. Ми за школу не барз ше стараеме и то велька хиба нашого земледілца. Вон не посила дзэци шорово до школы и не надпатра го, чи ше вони наисце учи, чи лем так ходзи до школы, да виходзи, да не плаци кари.

„Учите ся брати мої, думайте, читайте“ — гварел славни наш народни поет Шевченко и наисце наука, просвіта, культура то нішка нашему земледілскому народу найпотребнейше. Без науки чловек цемни при очох и швет йогу запатри. То исто вредзи за цали народ.

З того виходзи, же земледілцу не досц, да лем роби на жеми, алє да ше стара и за свою просвіту, да роби и на своім душевним полю, бо лем теди вон будзе чловек на своім месце.

А. Н.

У нашым отечеству

ПОЛИТИЧЕСКЕ ПОЛОЖЕНИЕ

У политических кругах ше бешедує, же Пашич не задовольни зос Узуновичом, бо вон ше наздавал, же по даскельо мешацох Узунович йому назад прида владу. Кед медзитим о тим ше а ні не дума, Пашич сце зос своіма приятелями на вшеліяки спосіб прийсц до власци. Прето ше присташе Пашича вше баржей збиваю до ведна. Лем су застарани, цо будзе, кед Пашич умре па прето робя о тим, да ше назад повраци до партії Настас Петрович, бувши министр нукашніх ділох. Як одлични политик вон би

могол превжац водзене партій.

ПАРТИЙНА АГИТАЦІЯ

С. Прибичевич в недзелу отримал свой партійни збор у Спліту.

ЗЕДИНЕНЕ ДЕМОКРАТОХ И МУСЛИМАНОХ

Медзи найважнейши политически события послідних дньох ше рахує зединене муслимано зос демократсту партію. По словах Дра Короща то од велькой важносцы будзе, кед придзе час виберанкох бо теди нова „Демократска заєдница“ ма право на виборни мандат бо є друга партія по своій моци.

ИМВ. бр.

ВИХОДЗА раз у тижню.

Цена па цаги рок 100 Динари.

На 1/2 рока 50 Динари.

За Америку 4 долари на рок

Рукописи и други писма трэб послац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ ПРОСВІТНЕ ДРУЖТВО, РУСКИ КРСТУР (Бачка).



ОГРАНІЧЕНЯ НА ЖЕЛЕЗНИЦОХ

Дирекция железницео у Суботици застановела особни промет у даєдних напрямок, особено вицинальних. Так зос Кули до Вербасу на 12 годз. зос Жаблю до Н. Саду на 2 годз. попол. и зос Н. Саду до Жаблю на 3 годзин рано вецей найду гайзибани.

КОНГРЕС ФРАМАСУНОХ У БЕОГРАДУ

Фрамасуне то таке по-таемне дружтво, котре ма-циль унічтожиць католич. церкву, тримали тих дньох свой конгрес у Београду.

ВЕЛЬКА ВИСТАВА У ОСЕКУ

Прешлого тижня отворена у Осеку велька ремеслено - газдовска вистава. Виставени домашні и стран-ски фирми своїм производствами. Особено интересантни найновши газдовски справи, вец за пчоларство, мебли, паперово производство и т. д. Медзи іншим находзи ше и єдна велька швичка цо гориц будзе 360 дні без прерви. — Хто може най пойдзе опатриц.

ВИВОЖОВАНЕ ЖИГА У СЛІДУЮЩЕЙ СЕЗОНИ

На конгресу превредникіх у Београду отримал познати наш специалист Др. Косич преподаваніе о вивожуваню жига у сліду-ючій сезоні. По його мни-нию вивеже ше зос Бачкей 21.000 вагони жига и

муки за 550 милиони дин. 50.000 вагони кукурици за 450 мил.; 1000 вагони пасуло за 25 мил. Зос Сріму 20.000 вагони жига и муки за 60 мил.; 70.000 вагони кукурици за 960 мил.; 2000 ваг. овсу; ярцу за 28 мил.; 3000 вагони пасуло за 72 мил.; 300 вагони кромплю за 2 мил.; 1000 вагони отруби за 12 мил.

ДЕФІСІТ ПРИ ДЕРЖАВНИХ ИМІНІЙОХ

По предрачунох державни имінія Белі и Тополяц мушели би держави принесц хасну 176 милиони дин. Наїсце вони при-несли лем 68 мил. На тот способ дефіцит виношує 107 милиони. Яки аж будзе дефіцит по тей попла-ви. Кед би держава дала под аренду имініе достала би чистих 50 милиони динари. Тельо понукую.

РАДИЧ ОСУДЗЕНИ ЗА КЛЕ-ВЕТИ

Суд у Новій Градишкі одсудзел С. Радича за клевети и увреди, котри зробел на своїх зборах дапо-едним особом на 28 дні арешту лібо 14.000 динари.

СОЦІАЛИСТИ ШЕ ПОВАДЗЕЛИ И ПОБИЛИ

Познати соціалистички кортеше Бркіч и Павле Татич на чудо ше повадзели. Соціалистички „другови“ тримали якишик збор по обичаю у карчми и недали Татичови до слова прийсц. Медзи „друговими“

рохийох. Іншак у мисій-них станіцох, або там дзе народ не дзба за церкву и за свої духовны потребы.

5. Церкви у Америці. Видзел сом коло 40 парохій Подкарпатских Руси-нох и у кождай сом парохій нашол так крашне ушорену церкву, же би ше кожда наша парохия — окрем двох трох — мушели барз заганьбиц пред свою шестру з Америки. Пожертвованосц наших людзох за їх церкви, мушим признац, же є превеліка.

Тих дньох, кед сом бул у Чикагу, започали нашо Русини з Подкарпатох, дзе царохом наш о. Релич, копац фундамент за нову церкву. И то думаце, цо будзе коштовац тата церк-ва! Понад 200.000 долари по нашим вецей як милион динари. И то будзе єдна мала парохия. То роби зложносц тих добрих людзох. Не маю вони тельо пенёжи. Владика не сцел дац поволене на будоване

пришло и до битки. Тати-ча виключели зос партіі. И гу таким водьом нашо даедни людзе приставали и іх бербляньом верели!

ПОШТА ДРАГША

Од 1-го октября будзе ка-

жда поштова марка за 50 пара драгша и то остане до 1-дзенябрь. Сума, котра припаднє на та способ достане настрадалим од поплави.

ПОВОЛАНКА

ТОГОРОЧНЕ ГЛАВНЕ СОБРА-НИЕ Р. Н. ПРОСВІТНОГО ДРУЖТВА отрима ше у Дюрдьове дня 22-го Сеп-тембра пред поладњом т. є. тот дзень по дюрдьовским кирбаю.

Поволую ше шицки члени Просв. Дружтва и други Русини як госци.

Председательство Р. Н. П. Д.
Михаил Мудри
председатель

ГАЗДОВСТВО

Храна овоцох

У воздуху ёст так мало углічней квасоти, же то неможеме при дыханю обачиц, але ёй ипак у воздуху ёст так вельо, же може служиц и служишицким рошліном. Рошліни, котри маю, желене лісце, примаю до себе углічну квасоту, доклягод слунко швици, — дакле воднє, и тата ше ту спомоцу лісцевой желеняви у лісцу, па под впливом слунка и посредством лісцевого желенідла, зос угліка и составинох води, ствараю вони тварду твар, цо ю познаме як штирку або крохмаль. Од крохмалю прави ше у рошліни скорочка поодиноких дробнюючих станицох, — од нього поставаю влакенса,

дакле шицки составни часци рошлінох, — але крохмал як таки або претворени до цукру найвидатнейши состав шицких газдовских плодинох: — шицких файтох зарна и кромплюх, котри су нам главна потрава и, од котрих ше ширигус и крохмал прави, — як и од овоцох и грозна од хторих ше исго може ширигус прави.

Чуйме и то яку хранудостава овоц зос жеми.

Перше приходзі „фосфор“. Фосфор ёк крехка солі подобна руда, котра ше так фришко распадае, же сама од себе пам'ємъ вигори, кед ше спон зос кисиком, кед ше го пущи на воздуху. Кажды бязовно видзел фосфор — на главки од

ФЕЛЬТОН

Нашо у Америці

Яку плацу мас свя-щенік?

У Америці держава не дава ніч за церкви и за церковни потребы. Там каки-ди парохия мушки ше за себе остарац.

Кажды священік достава порядочно каждого мешаца од 150-300 долари порядочнай плаци зос церковнай каси. Крем того му припада парохиялни дом, котри зошицким нужним заосмотрени: там су столи, посцелі, шицко до на посцелі и до хижох потребно, цо треба до кухні; там каки-ди дом ма купальню, телефон, шпаргерт на гас и друге потребне. Там може священік присц без шицкого, и немуши падац до длуства, да себе набави найнужнійше за дом.

То так у ушорених па-

церкви, док не маю голем трецину готовых пенёжох. На зберали и почали робиц. Робя хлопи, робя жени: — кожди доприноши, цо може и цо зна. Будзе на церкви и длуства, але то пойдзе при добрей дзеки и зложносци вірнікох. Парохия тата люби свого пароха о. Релича, гоч вон оштроби кричи на їх, особенно на младих, кед медзисобно англицки гуторя. — Вони му то не беру за зло, але за доброе.

Есть там церкви, яких нет не лем у нашей епархии, але оздаль не будзе ані у других векших властичествох. — У месту Johnstown збудована церква по прикладу церкви св. Софії у Царгороді. Найсце красна, гоч ище не помальоване.

Мальоване у церквох, мальовані облаки, кніжки, ризи, квеце и шицко друге таке міле, же ше шерцо чловеку цеши, кед видзи, же и нашо людзе так лю-

бя красоту дома Божего и так ше поноша зос свою церкву.

Кажды церква так збудована, же под церкву есть велька сала, котра служи пре вечарні школи, пре схадзки и забави.

Але цо ми ше особено любело у тих церквох, то було централне огриване кождай церкви. Крем того там у церкви шицки єднаки: там шицки маю места у лавкох за шедзене, а стоя лем мали дзеци. Ствар практична и добра. При будованю новых церквох нужно будзе и у нас дацо пременіц.

Богослужене ше обычно так кончи: Утриня ше служи на 8 годзин, под Утриню священик споведа, а по утрині дораз Служба Божа. Вечурня ше трима о 7 годзини вечар, бо по поладню не можу людзе прийсц до церкви, а о 7 годзини вечар прийду и тоти, котри през дзень до

ширки. Кед ше го лем купцік тре, такай ше запалі.

Фосфору ше найвецей находити у каменю змишаного зосипном, а розуми ше, ест го и у жемі але мало. Ритко кеди ма хтора жем фосфору у себе досц од природи, зато го шорови газда будзе патриц додац жемі — зос уметним гнойом — суперфосфатом. Фосфор за рошліни, як овоц, так и други рошліни барз потребни бо ше од нього у рошліни прави найвецей бильчку.

Далей приходзи Калий. Калий є исто так, потребни рошліни як и фосфор, але при поставаню крохмалю и сладору. Калий ше у воді барз лежко топи, а часто го ест цалком досц у жовтей жемі (иловачі) и без гноения, дочим го до писковитей жемі треба обично зос гноением додаца. Да калий може буц од подполного хасну, потребне, да ест у же

ми и вапна, цо з другей страни за рошліни, барз и барз потребне!

Крем того рошліна ше карми зос Калцием. Калций то углічно квасовите вапно, у Бачкей, го бара мало, а мож повесц и ніч нет, бо шицки рошліни, попри наїліпшим дотраню при кус векшай спрагти — згоря.

Магнезия и желеzo, вони ше находза у кождим тлу. Як людзом так и рошліном од велькей су потребы.

Барз желеzoвита жем в червена на Красу, дзе вони юдини плодну жем права.

Ето — ту лем у кратко описані тоги часци храни, за рошліни барз потребни, але у тих часцох ест ище таких, хтори би ше могли описац, лем розуми ше, то би було барз на длугоко, а у новинах нет толькі места, бо цо ест, то треба и на други цілі.

тель Калес' дума предложиц и велі соціялни реформи, так медзи иншими и то, да роботадавци дзеля свой заробок и профіт зос роботнікамі, крем того цо их муша плацц. И так крем религійных придзе и до соціялних борбох у Мехіку.

Італія

АТЕНТАТ НА МУСОЛИНІЯ

В суботу прешлого тижня руцел еден легінь бомбу на таліянскаго министра председателя Мусолінія. Бомба експлодирала и чечко ранела 5 особы але Мусолінія не трафела.

КОХУЦІК З РОЖКАМИ

У варошу Напулю у Італії находзи ше у юней газдині кохуцік, котруму виросли права правдиви рожкі. Вельо богатых людзах сцели уж купиц таго чудо природи и заплаціц добри пенеж газдині, але вона не сце предац.

Немецка

ВЕЛИЧЕЗНИ КАТОЛ. КОНГРЕС У БРЕСЛАВІ

Прешлых дньох отримал ше у варошу Бреславі величезни катол. конгрес, на котрим забрало учасц 80.000 людзох. Шицки реферати робели о тим

ШИРОМ ШВЕТА

Союз народох

НІМЕЦКА ПРИЯТАДО СОЮЗУ

Прешлого тижня прията Немецка до Союза народох у Женеві. Кед ше зна, же ше Немецка бори проців версайскаго миру, теди у ёй приступу до Союза народох велі политичаре видза лем ёдно стредство, да ше баржей годна бориц проців самого союзу. Даєдні новини пицу, же Союз народох приятием Немецкой уж подпидал себе шмерц.

Чехословакія

ЧЕХИЗАЦІЯ НАШОГО НАРОДУ

Подкарпатски нашо новини приношую, же Чехи отвераю вишадзі по валалох чески школы

б годзини робя у фабрикох або у рудокопох.

ІІ. Школа у Америки

Америка дава и у школи шлебоду кождому народу. Там шицки дзеци муша исц до школи до 15 року. Школи су або державни, або церковни. У державных ше школах не учи катехіс.

Церковни школи зашсу двояки: ёдни, котри маю квалифікованих учителькох пре Америку, и тим держава признава право явносци: вони можу примац цалодневну обуку по преписаним плану и видавац свідоцтва.

Други церковни школи таки, дзе уча учитель и учительки, котри не маю квалифікацію пре Америку. Тим школом держава не признава права явносци.

1) Яки нашо школи? Нашо людзе за терац маю мало церковных школах зос квалифіковаными учительами. Там держава гледа од

у першим шоре за жидах, але и за Русинох. Жидзи им добре пришли, бо вони ше знаю туту кождай влади притуліц, понеже вони не маю цо страдац. Свою народносц уж давно страдацели, та терац им шицко ёдно. За време Мадярох питали мадярски школи, а терац чески. Вони ішак дзеци несцу посылац до русских школох, але и далей Русинох вицировац то гей! — И вец кед ше праведні гнів народа дзвігнє на їх дагдзе, теди лярмю.

Мехіко

РЕЛІГІЙНИ И СОЦІЯЛНИ БОРБИ

Релігійна борба у Мехіку и далей тирва. У найкратше време ма ше зійсці мексикански парламент, у котрим предсіда-

учителя або учительки, да оконьчи 8 класи основных школох (то муши оконьчи кожде дзецко), за тим 4 класи як у нас гімназій, а потым ище 2 класи на универсітету — як вони волаю „каличъ“.

У Амеріки есть вельо церковных универзитетох и пре мушкіх и пре женскіх. Римокатоліци там у тей ствари барз високо стоя. Вони найвекшу важносц складаю на свойо школи, на вшельяки інститути, так же ше кожди муши чудовац, откаль тим людзом тельо пенежы, да то шицко отримую. Але Бог помога и віше поволує добрих людзох, котри превельо — на мільйони долари — на такі цілі жертвую.

Католіцкі школи за терац там найвецей у рукох шестрох. На Евхаристичном конгресу ёдного дня шпівали Службу Божу у Стадіону 8.000 шестри, а другого дня 60.000 дзецох под руководством сестрох. —

на яки способ би обновиц Немецку у духу Христовим.

Польска

ОТПУЩОВАНЕ ЗВАНІЧ-НИКОХ

У найблізших часох польска влада дума до пензії положиц и отпушиц 5.000 желенічных званічниках. На їх место положи младших. Дабоме, же а ні ёден од ніх не будзе Русин.

Францыя

ЯК ШЕ ШПОРУЄ?

Председатель Французской республики подписал декрет, по котрим ше розпушув 106 подпрефектурах, 70 генеральних секретаріятох. Редуцираво 3.900 офісирох и 19.000 конъюх. Випражнено будзе 175 касарн и предані велі непокретні минія и матеріял. Так исто редуцирано при морнариці. Запровадзено и уживане у цалей жемі ёднакей файти хлеба.

Шпания

РЕВОЛУЦІЯ У ЖЕМИ

Диктатор Примо де Ривера распушцел артилерийски одзелія при войсках. Понеже вони не сцели послухац, оружием ше йому узпрощивели. Гу нім пристали ище даедни касарні Жем ше находзи у революції

ЗОС НАШІХ ВАЛАЛОХ

R. Керестур

Дотерашні валалци заўзековали на свой служби, а на їх место пришли нови валалци зоз Дюром Рац Мишком біровом, а Янком Шовш подбиров. Ешкути: Мікола Рац Кре-

Там людзе високо почитую сестри и то не лем католікі, але и шицки віро- исповіданя. Дзе ше сестра яви и збера на добры цілі, там кожди дава, гоч є якей віри.

2) А як стоя нашо владичества у Америці зос Сестрамі! На жаль и ту зме за другима народами далёко остали.

Там шицко на початку. У владичеству преосв. Тачка есть 21 сестра, 10 у новиціяту, од тих 5 конъча универзитет.

У епархії преосв. Богачевского 44 сестри Васильянки и 20 у новиціяту.

У епархії преосв. Будки, у Канади, 70 сестри службеніци Пр. Богороници.

Правда, красни числа, але то шицко мало. Там би було потребно стораз тельо и теди би ишло шицко у шоре. Людзе дзвігаю школи и модля: дайце нам Сестри учительки, да нам дзеци не зачиню у англіцких школох. Владика

би сцел кождому удоволіц, але не може ище за терац. Ту треба на початку виховац кандидатки добри, добри фамилії и аж теди достаню добри сестри. Вони би радо забрали шицки нашо сестри, лем кед би зме їм дали. Вони би радо плацели за виховане таких дзвічатох, котри би були готови пошвеціц ше по оконьченю школох, учительской служби у Америці. — Да видзиме кельо ше найдзе таких! Ствар красна и Богу мила, а народу нашему на вельки хасен. Най ше явя гоч и сто кандидатки, шицки буду прияты.

Як сом спомнул, ми ище не мame прави потполно нашо школи окрем на даскельох местах. Там дзе немаме свойо потполні школи, нашо дзеци муша ходзіц през дзень до державных школох. Розуми ше же там не чую ніч свойога. А цо робя нашо людзе, да їм дзеци не загінью? —

валалски: Александар Манаї. Нашо Новини жадаю новим валалцом вельо успиху у їх званию.

Коні Янка Рамача же на-

Вшеліячина

ВИНАЙДЗЕНИ НАДБАЦІЛ

Познато, же кождай хороти причина бацили т. й. малки животині, котри ще не видза простим оком. Др. Д. Герель робел пробы и винашол, же постое и таки бацили, котри еден другого поб. Так вон винашол еден бацил, котри назвал надбацил), же жедол бацили тифусу и колери и на той способ, унічтожовал тих початникіх хороти. У пастеровим заведению у Парижу тераз преучую тут нови винаход Дра Д. Гареля.

ПИТАТЕЛЬНОСЦ МЕДУ

Искуствіе доказує, же ще мед рахує медзі барз питательну храну. Так хто поє 10 деки меду то тельо як да поє по літри млека лібо 20 вайца, або 10 деки кукурици, 10 деки ришки, або 40 деки кромпля, або 12 деки хлеба білого, або 4 деки масла, або 5 деки садла, або 150 капусты, або 75 деки яблука.

КЕЛЬО ТЕЛЕФОНОХ НА ШВЕЦЕ

Америцкі статистични биро

шли аж при мадярской граніци за Соботицу. Вон бул по ніх сам аж у Соботици и приял их зоз кочом ведно. Коні були барз вислабени.

подае, же на цалим швеце єст 26,038.508 телефонох. Од того на саму Америку припада 16,072.758. Веци як $\frac{3}{5}$ шицких телефонох на швеце. У цалей Европи єст лідзи як 6,895.365 телефони або половку того цо ма Америка.

ЧИ ЄСЦ МЕСО?

Дахто гутори, же месо чудліве по здравле человека. Зем'юписец Стефензон, котри 12 роки жил медзи Ескимами жил о самей риби и месу. Барз добре ще чувствовал, бул моцни и за кажду роботу способни. Исто так и Ескими вше су здрави и свижи а єдзя лем месо и рибу.

НАЙМЛАДША БАБА НА ШВЕЦЕ

Рахує ще, же наймладша баба на швеце мала Японка на мено Чуми Чидзуками. Вона ще отдала на 13 роки. Їй дзвівка тиж ще отдала на 14 роки, и так вона постала баба. Кед так далей пойдзе, то за 14—15 роки, вона будзе прарабом, гоч будзе мац лем 43 роки.

же приближися время плодовъ, посла рабы своя къ дѣлателемъ пріяти плоды его. И ємше дѣлателе рабовъ его, оваго убо биша, оваго же убиша, оваго же каменемъ побиша. Паки посла ины рабы множайша первыхъ; и сотвориша имъ такоже. Послѣди же посла къ нимъ сына своего, глаголя: усримся сына моего. Дѣлателе же видѣвше сына, рѣша въ себѣ: сей есть наслѣдникъ; приидите убіемъ его, и удержимъ достояніе его. И ємше его изведоша вонъ изъ вінограда, и убиша. Єгда убо приидеть господинъ вінограда, что сотворитъ дѣлателемъ тѣмъ; Глаголаша ему: слыхъ слѣ погубить ихъ; и віноградъ предастъ инымъ дѣлателемъ, иже воздадять ему плоды во времена своя. Глагола имъ Іисусъ: нѣсте ли чли никакоже въ писаніяхъ; камень егоже не въ ряду сотвориша зиждущіи, сей бысть во главу угла: отъ Господа бысть сїє, и есть дивно во очию вашею.

Камень егоже небрежноша зиждущи сей бысть во главу угла.

Человѣкъ, иже бѣ домовитъ и насади віноградъ, то Бог Отець, котри основал себе на тим швеце Царство своё, або державу, у котрой мали буц шицки вибрани души, за котрих предвидзел Бог, же буду спасени пре Откуплене Сина божаго, обещаного Месию, Христа Бога.

До приходу Христа волало ще того царство Стари Завит, а по приходу Іисуса вола ще Нови Завит, або Церква.

Церква старого закона, що була придана до рукох Израїльского народу, не припознала Месию, кед пришол, але ще го одрекла, а Бог створел себе нове царство од шицких народох, що ще вола Церква Христова.

Тот камень здания од угла, на котрим почивало царство боже Израїлци одруцели, як не потребни камень, а вон постал темельни камень нового божаго Дому на тим швеце: Церкви Христові.

Понеже сам Іисус, Син Божи, темельни камень, того нового здания, Церкви Христові, котри ю на себе трима и котри є глава єй, Глава од Угла, то ще того здания нігда не годно погубиц, звалц, уничтожиц, племеніц и престац буц, бо Христос, Син Божи, є вше исти, єднаки, вични Бог.

„Іисус Христос с вчера и днесъ, той же и вовикъ“, гутори апостол божи.

Прето Христос Бог и ясно обявел своїм апостолом: А з ємъ съ вами до скончання вика. Аминь.

Т. є Я будзем вше з вами, вона гла, вона темель и ви презо мнє ані не годни буц, бо нетъ цела без глави, и здания без темеля. На Христу

Богу постої Церква. Вон даклем вше знами. О, яке щесце, же ще находиме, у тей соборній Церкви, дзе пребива сам Христос и чува ю, да нігда не препадне.

Баш прето, же Христос вше остава зос свою Церкву, як темельни камень, те ше вона и єй наука и правда, що ѹ у мени божим навиствує нігда не годна погубиц, племеніц и препаднуц.

Смишни су вшеліяки кривовирци и нововирци, котри ще у исторії являли и тера зявляю и сцели би Христову науку и Церкву реформирац, племеніц, дацо заруциц, а дацо нового додац. То наисце увреда Величества божого: Ягод да Христу Богу треба помочников и его ділу. Бидни чловек да будзе чуваром и отримателем здания божаго! Чловек да керпи боже діло, що го ані не збудовал, ані отримац не може!

Цешме ще даклем, же маме такого небесного чувара у Церви своїй святей, що нас на вики очува на драги правди и вичного спасения.

Мудри.

Берза

Берлин 1 злата марка	13.50 д.
Будим. 100.000 мадь. кр.	70.— „
Італія 100 лира	183.70 „
Букарест 100 лей	21.— „
Лондон 1 фунд. штер.	275.50 „
Нью-Йорк 1 доллар	56.60 „
Париз 100 франки	166.— „
Праг 100 Чес. кр.	168.15 „
Акції В. К. Б. Д. Д.	350 „
Швайцарска 1 франк	10.96 „
Віден 1 шилінг	8.— „
Наполендор 1 ком.	190.— „
20 златних корун	190.— „
10 ” ”	95.— „
Сеферин	400.— „
Дукат	100.— „
1 круна у сребру	3.75 „
5 ” ”	20.— „
1 форинт ”	8.— „
7% держав. пожичка за 100 динара ном.	60— дин. 21/2 %
ратна штета за 1000. дин. ном.	290 — дин.

За злато и за вредносни папери плачу банки потполни курс, а за валути о даскельюновна меней.

Тарговина

Жито	256.— д
Кукурица	157.— „
Мука нулеврова	520.— „
” хлебова	420.— „
Млеко літра	3—4.— „
Курчата	20—35. „
Качки	35—60.— „
Гуски клюкани кг.	65—90.— „
Говедзина	16—20.— „
Швіньське месо	18—20.— „
Целечина	18—20.— „
Сланіна сушена	22—25.— „

ЧИТАЙЦЕ „РУСКИ НОВИНИ“